

RIJEČ UREDNIKA

Poštovani čitaoci,

sa zadovoljstvom vam predstavljamo sedmi broj Zbornika radova nastavnika i saradnika Islamskog pedagoškog fakulteta Univerziteta u Zenici. Po svojoj prirodi, Zbornik radova prezentira rezultate naučno-istraživačkog i stručnog rada na Fakultetu. Redakcija Zbornika, već od prvog broja publiciranih 2003. godine, pred autore radova postavlja zahtjeve svojstvene serijskim univerzitetskim publikacijama.

U nastojanju da kvalitet objavljenih radova bude prepoznat u širokoj akademskoj zajednici, te da oni budu dostupni i međunarodnoj naučnoj javnosti, Redakcija Zbornika je odlučila da u ovom broju pokrene proces standardizacije Zbornika radova s ciljem indeksiranja i uvrštavanja u bibliografsku bazu podataka EBSCO Publishing – Business Source Complete. U odnosu na prethodna izdanja, ovaj broj ima nastojanje da dosegne standarde propisane procesom evaluacije, te su u njegovom uređenju uvedene i određene strukturalne inovacije bitne za referiranje Zbornika unutar EBSCO baze. Time je unaprijeđen i kvalitet publiciranih radova.

U sedmom broju Zbornika radova objavljujemo 21 rad i to: 11 izvornih naučnih radova, 9 stručnih radova i 1 izlaganje sa naučnog skupa. Svi radovi su situirani u sljedećim naučno-istraživačkim oblastima: socijalna istraživanja (radovi iz oblasti odgojnih i edukacijskih znanosti), vjerske znanosti, jezik i književnost, islamska misao i civilizacija i menadžment kvaliteta u religijskoj edukaciji. Urađena je i nova univerzalna decimalna klasifikacija (UDK), koja je strukturirana tako da pokriva: a) UDK 2 oblast religije i teologije, b) UDK3 društvene nauke i c)UDK 8 lingvistiku, jezik i književnost.

Nadamo se da će ovo izdanje, uređeno prema propisanim savremenim izdavačkim standardima, Zborniku radova otvoriti vrata uspješne evaluacije i tako opravdati naša nastojanja.

Zahvaljujemo se autorima radova, recenzentima, Redakciji Zbornika i svim drugim saradnicima koji su svojim predanim i odgovornim radom pomogli pojavljivanju ovog inoviranog broja Zbornika radova, koji će, nadamo se, opravdati svoje mjesto i biti prihvaćen od strane čitalaca i u naučnoj javnosti.

Urednica
Doc.dr. Mejra Softić